









# HARANGVE

FAICTE PAR VN MINI-  
stre de Poictou , adressée à  
Messieurs de la Rochelle ,  
touchant les affaires  
de ce temps.

*Et du depuis enuoyée en diligence au  
Sieur de Soubise.*

*Arcanum demens detegit ebrietas.*

M. DC. XXV.

1011100 Case 9-12-31

39

326

1025700

THE NEW YORK  
LIBRARY



*H A R A N G V E F A I C T E*  
*par un Ministre de Poictou, adres-*  
*sée à Messieurs de la Rochelle, tou-*  
*chant les affaires de ce temps.*

**P** V i s qu'il a pleu au saint Esprit & à nous que nous ayons disné ensemble, ie voy biē que vous attendez de moy quelque entretien sur le sujet de l'Estat de nos affaires, voyans qu'on s'efforce de leur donner l'extreme onction, que nostre Religion n'approuue pas : ô que ie voudrois bien que le Prouerbe fust vray, qui dit apres bon vin bon cheual : car au moins apres auoir copieusement beu, comme nous auons faict, nous serions des cheuaux genereux pour assister nos freres affligez : mais nous ne sommes que des asnes, Messieurs, puis que nostre peu d'esprit, paresse & couïardise a mis la cause de Dieu à l'Hospital : Toutes-fois ie me console sur l'assurance que i'ay qu'il n'a pas tenu à vous que le party du Roy n'ayt faict comme vos femmes, & qu'il n'ayt donné du cu en terre, & ne vous blasme pas de n'aller poin au secours de l'armée du patriarche Soubise, cause qu'elle est sur la mer, & que vous n'aymez pas l'eau.

Mais à propos, ie descouure vu grād myster



sur le vin blanc & rouge que nous auons beu  
aujourd'huy, c'est le plus beau reueille matin  
que nous puissions auoir pour nous faire sou-  
uenir pieusement de l'affliction dans laquelle  
nostre Religion est enfoncée iusques aux oreil-  
les, car le vin rouge me represente le sang que  
nous faisons resprendre en faisant la guerre au  
Roy, mais le vin blanc monstre que c'est inno-  
cemment, puis que c'est pour la deffence de la  
verité; c'est pourquoy Democrite estoit vn sot  
lors qu'il disoit que la verité estoit cachée au  
fond d'un puy, car l'eau n'est pas propre à ce-  
la, laquelle n'est pas vn element, comme on  
croit, veu que nos quatre elements sont le pain,  
le vin, la viande, & les femmes, selon qu'il est  
porté par nos articles secrets.

Ie ne puis m'empescher de vouloir du bien à  
ce Philosophe qui disoit que les Republiques  
seroient heuruses quand les Roys Philoso-  
pheroient, & les Philosophes regneroient, &  
croy asseurement que c'est le principal subject  
de l'assemblée que nous fismes à la Rochelle, il  
ny a icy que nous seuls, mettons sur le tapy nos  
intentions à descouuert, & ne donnons point  
de masque à nos desseins, comme a faict le Mi-  
nistre de Melle à sa femme: nous deurions tous  
regner, ie dis principalement nous autres Pa-  
steurs, à cause que nous sommes Philosophes,  
& n'auons nous pas raison de faire la guerre au  
Roy, puis qu'il n'a iamais estudié en Philoso-



phie comme nous, qui est l'arme de laquelle  
nous nous seruons plus que de l'Eseriture Sain-  
cte, comme mesmes resmoignent nos aduersai-  
res, par ce sainct desir de regner, nous auon  
faict donner anciennement neuf batailles &  
plus de deux cens combats, desoler plus de si-  
cens monasteres, & surprins vne infinité de  
villes & forteresses, pouuans dire cōme IESVS  
CHRIST nostre Maistre, que nous estions ve-  
nus pour enuoyer la guerre & non la paix, la  
quelle veritablement est vn don de Dieu: mais  
c'est quand tout le monde est contant, que  
qu'en disent les Papistes, mais ie voy bien que  
maintenant parmy nous il y a plus de barbe  
que d'hommes, comme disoit la Lanterne de  
Diogene, car tout est tellement refroidy que  
ie gagerois que de cent fidelles choisis à tasto  
il ne s'en trouueroit pas deux qui endurasse  
le feu pour maintenir dans Rome que le Pa-  
pe est l'Antechrist; c'est pourquoy au dernier C  
cile tenu au Temple de Tours trois mois ap-  
res qu'il eut esté brulé, ou presidoit Mr. du Mo-  
lin Ministre Metropolitain, il fut ordon-  
né qu'on ne croiroit plus la predestination qu'à  
choses spirituelles, & non aux temporelles, a-  
fin de reueiller nos courages & nous deffendre  
de nous endormir plus sur l'assurance de la fa-  
uorité, autrement si nous ny prenons garde, nos  
autres Ministres seront semblables à S. Ie-  
sus sans luy faire tort, car nous prescherons à l



6  
uenir dans vn desert, & aurōs le corps couuert  
de peaux de bestes, & serons posez à la risée des  
hommes & des Anges, estās deuenus fols pour  
Christ, comme dit S. Paul au 4. chap. de la pre-  
miere aux Corinth. Et à ce propos Nabuzardā  
Roy d'Inde la Majeur qui descouurit l'Estaille  
du Nort, ainsi que rapporte Plutarque au 12.  
liure des Matamorphoses d'Ouide chap. 8. &  
emy, disoit que si la Rochelle estoit prinse, on  
trouuerait dans les Archiues de la maison de  
ville que la Verolle & les Huguenots sont ve-  
nus en France en mesme temps, & argumen-  
toit ainsi, la verolle & les Huguenots sont ve-  
nus ensemble: dōc ils se cognoissent bien, mais  
cet argument n'est pas en forme, & seroit bon  
dire à quelque Ministre blanc, relié en veau,  
pas à moy qui entens la game des argumēs.  
Car c'est comme si ie vous disois, vous estes le  
petit troupeau, & ie vous presche: ergo, c'est  
le loup qui presche, encore y auroit-il plus d'a-  
rgence. Homere ratiocine mieux quand il dit  
que le grand cheual de Troye estoit fils d'un  
chien d'Espagne que Philippe second auoit  
euoyé au grand Turc, & que s'il n'eust porté  
cette haute, on ne luy eust iamais abbatu les  
portes de la ville: en ces consequences la on ne  
rompe iamais, à cause que, comme dit Por-  
phyre Secretaire des secondes intentions, l'ex-  
plication de la matiere prend son etymologie de  
la disposition de la cause finale, y ayant vne



difference spécifique entre les medales & les predicamens, d'où vient que l'essence & l'existence auroient souuent des renonciations contradictoires, si la substance ne s'opposoit aux consequences de l'antecedent, c'est ce qui fit dire avec raison à deffunct Moyse Ministre du peuple d'Israël, qu'il auoit appris de Monsieur de Soubise à bien conduire son peuple : mais parlons d'autre chose, car si ie me mettois sur la science ie sortirois de mon subject.

Pourquoy pensez-vous que depuis vn an i'ay le visage pl<sup>9</sup> blesme que de coustume, les yeux enfoncez dans la teste comme vne piece de bœuf dans vne marmite, le front ridé comme vne fraize de veau Messieurs, & le regard attaché à la terre comme vne douzaine d'Allouettes à vne broche, c'est que i'ay tousiours arresté mes pensées sur le retardement du secours que nous esperions du Ciel, ie me faschois de ce que les Anges qui nous deuoient deffendre auoient les gouttes & ne venoient point, & sembloit que le Ciel eust faict banqueroute à son deuoir, & à l'assistance qu'il nous auoit promise : ie me forgeois mille meteores en la teste sur cela, mais en fin ie conclus qu'il falloit par force que Dieu fust occupé à faire vn autre monde pour nous y transplanter, afin de laisser celui-cy aux meschans : car Dieu exterminera ce monde ou il n'est pas adoré comme il a commandé, ou les Papistes ne font que ieusner, &



prier Dieu à genoux & en musique à quatre parties, ce qui me fasche plus que tout, faire des vœux de virginité, & autres choses qui s'ont contre l'Ancien Testament, auquel les Juifs & nous mettons le principal fondemēt de nostre creance. Mais quoy qu'il en arriue, nous deuōs pluſtoſt endurer la mort que l'amortissement de nostre reformation, puis que nous ne viſons qu'à l'honneur de Dieu ſans acception de perſonnes, ce qui trompa fort Monsieur de Bouillon quand nous le penſaſmes excommunier à l'assemblée de Saumur, à cause que faiſant battre monnoye il y faiſoit mettre ſon effigie contre le commandement de Dieu qui dit, Tailler ne te ſeras Image: ce ſainct zele nous a autres-fois faiſt mettre le feu dans les Eglises, pour bruſler tant de pourtraicts de Ieſus-Chriſt & des Saints; il eſt vray que iamais nous n'auons bruſlé le pourtraict du diable, mais c'eſt à cause qu'il n'eſt pas de la Religion Romaine, & que cet object nous incite par deſpit à deuotion, nous diſie qui ſommes dans la vraye Eglise, & retenons la pureté de la parole de Dieu, comme vne huiſtre en eſcaille, ou vn demy cent de ſagots. Eſcoutez vn argument auquel les Papistes ne ſçauroient reſpondre, & voyez comme nostre Eglise eſt la meilleure.

Vne perdrix n'eſt autre choſe qu'une poule reformée, vn phaiſant qu'un coq reformé, vne grenouille qu'un crapaut reformé, vn loup &

vn renard



vn renard que chiens reformez , des fouliers  
que sabots reformez.

Or est-il qu'une perdrix est meilleure qu'une  
pouille , vn phaisant qu'un coq , vne grenouille  
qu'un erapaut, vn loup plus fort , & vn renard  
plus fin qu'un chien , & des fouliers meilleurs  
que des sabots.

Donc nostre Religion qui est reformée est  
meilleure que celle des Papistes qui ne l'est pas  
& si Monsieur du Plessis Mornay docte Soldat,  
& vaillant Grammairien eust sçeu cet argu-  
ment, ie ne croy pas que Monsieur du Perron  
y eust peu respondre : j'aduouë pourtant que  
les Papistes sont dans la chaire de Moyse, parce  
qu'il est dit qu'en icelle les pecheurs se sont as-  
sis, ce qui contrarie à la pureté de nos actions,  
mais ce n'est pas le tout, apres la pluye vient le  
beau temps, & le rosty apres le bouilly. Ie vous  
ay entretenu des miseres auxquelles l'apparen-  
ce de nos malheurs nous iette, pour vous mon-  
strer que les afflictions sont les couriers ordi-  
naires des faueurs du Ciel, ainsi que ceux de  
nostre Eglise primitiue ont praticqué il y a en-  
uiron cinquante ans : le temps est venu que ce  
grand Dieu veut retirer les verges de dessus  
nous, & nous a chatouillé pour nous faire rire  
seulement, ie vous en veux faire le recit puis  
que nous sommes icy assemblez, & que person-  
ne estrange ne peut entrer ceans, non pas me-  
mes Iesus-Christ, à cause que les portes son-



fermées, cōme il y a dans l'Euangile de S. Iean  
 20. chap. expliqué par Calvin, & vous veu  
 dire vne vision que i'ay eue cette nuit, c'estoit  
 sur l'heure que le sommeil ayant taillé en pie-  
 ces les fumées du vin & des viandes, rend l'es-  
 prit espuré & net comme les Bibles de Gene-  
 ue des dernieres imprimées in folio par Ma-  
 thieu Bergéon & Pierre Rouuiere, ie pensois  
 aux malheurs desquels nous auons l'esprit & le  
 corps tout noircis, & estoit prest d'enrager  
 Sainctement de despit, lors qu'un Ange s'est  
 apparu à moy qui m'a dit, prens courage, & le  
 souffle dans le cul de tes freres, ie t'annonce  
 vne grande ioye de la part des destinées, marie  
 toy, car de toy naistra vn enfant que tu nom-  
 meras Alcofribas le ieune, qui remettra l'Egli-  
 se de Dieu en son bon sens, desbarbouillera le  
 visage du S. Ministere qui en a grand besoin,  
 coupera la bourse aux abbus du Papisme, fera  
 monter l'Euangile au grenier de sa pureté, &  
 mettra les pieds de tous les François dans la  
 pantoufle de la sainte Reformation: ayant dit  
 cela, il donna le coup d'esperon à son cheval &  
 s'en alla; à ces mots ie recogneus que c'estoit  
 vn Ange du Ciel, car il estoit vestu de noir, à  
 cause qu'il portoit le dueil de nos deslairs:  
 où vas-tu, dis-je alors tout rauy ( cher compa-  
 non ) car nous sommes tous à mesmes gages  
 eruiteurs de Dieu, reuiens bel oyseau, & de-  
 meure plus long temps en cette miserable cage



auces moy, dy moy vn peu des nouuelles du Ciel, & ce qui aduiendra de l'Armée Nauale, afin que ſçachant l'aduenir on m'eſtime le grãd Chancelier des aſtres, & biſayeul des Almanachs, dy moy depuis quand Dieu s'eſt aduiſé de me choiſir pour redreſſer ſon Eglife? ſi c'eſt depuis huit iours ou de toute eternité: ou fuyſ tu ſi viſte, as-tu peur d'eſtre prins des courreurs de la Rochelle, ne crains pas cela, car ie te donneray vne attestation & paſſe-port, pourueu que tu vueille faire la Cene avec nous, & profeſſiõ de foy: mais non, ne reuiens pas: car c'eſt aſſeurement toy qui Lucta Iacob, auquel tu fis ſeicher vn nerf de la cuiſſe, lors qu'il voulut te retenir, & i'aurois peur que tu me rompiſſe le col ſi i'en voulois faire autant.

Ie vous aſſeure Mẽſſieurs, qu'apres cela, ie me ſentis l'eſprit chargé, bandé & eſmorché d'eſtranges conſolations, & croyois deſia par eſprit Prophetique voir reſſuſciter les murailles de deffunct S. Iean d'Angely, faire le preſche dans le Louure, & voir le Roy mandier la dignité d'ancien, ou de receueur des deniers de la cauſe, à la charge de rendre compte tous les huit iours: à quoy tient-il plus, il ne faut que trouuer vne femme qui ſoit belle, afin que ie luy forge en diligence ce pilier de l'Euangile que m'a predit l'Ange, i'y veux employer deux nuits pour faire ce ſecond Hercule, & m'aſſeure que jouant avec ma femme, ie ne re-



nonceray point à faute de triōphe, & que i'empeschera biē qu'elle puisse lire l'Euangile des Vierges le lendemain des nopces, il me semble desia que i'y suis, & cela me met en mes ioyeuses pensées: En effect vn homme sans vne femme, c'est comme vne femme sans vn homme, & croy que l'homme est le Paradis Terreſtre duquel entend parler l'Eſcriture. S. Paul appelle l'amour vn feu, quand il dit, qu'il vaut mieux ſe marier que bruſler; & auſſi l'Enfer eſt appellé vn feu; c'eſt pourquoy ceux qui ſont amoureux ont beaucoup d'auantage: car s'ils vont en Enfer ils ny auront point de mal, eſtās desia accouſtumez au feu, & ces deux feux ſōt ſemblables, puis qu'ils bruſlent ſans conſōmer: mais quand ces chaleurs amoureuses ſont moderées canoniquement dans le monde intermediaire, c'eſt alors qu'un Miniſtre ſe mortifie methodiquement, foule aux pieds les tentations de la chair, & vous diray franchement que ſi vous ne me trouuez vne femme, ie ne vous ſçaurois plus preſcher l'Euangile, car l'Euangile ſignifie bonne nouuelles: Et cōment vous pourrois ie annoncer de bonnes nouuelles ſi ie ne ſuis marié: ie ne crains point les cas fortuits du mariage, qui ſont les cornes, & ne demande point de rabais pour cela, les aſtres m'en aduerſiſſent, ie ſçay bien que ie ſuis né le Soleil eſtāt au Capricorne, le Sagittaire dreſſé ſur l'Horoscope de la Vierge, ayant Aries & Taurus pour



ascendant, qui sont tous signes cornus & dange  
reux en la maison des Iumeaux. Albumazar mai  
stre de Camp des Estoilles fixes à autresfois faic  
cette recherche, & atteste y auoir long temp  
trauailé & sué, de laquelle sueur il engendra Bil  
sexe, comme tient Pontanus en ses Meteores  
mais Dieu est par dessus les Astres, & ay pouuoir  
de leur donner la loy, puis qu'il est dit que le sage  
leur commandera, & leur fera la barbe. Vous res  
souuenez-vous qu'il y a enuiron quatre ans que  
ie vous demanday congé par aller chercher vn  
femme, & que vous me l'accordastes volontiers  
ie sçay bien que quelques vns de l'Eglise Romai  
ne s'en sont mocquez, disant que le mariage n'e  
stoit point nécessaire à vn Ministre, afin qu'estā  
seul & hors des empeschemens ineuitables au  
Mariage, il peust vacquer plus librement à son  
deuoir, & que S. Paul souhaittoit que nous fus  
sions comme luy sans estre mariez, mais en cela  
il se trompoit, car il n'estoit que Ministre com  
me nous, & ne nous pouuoit imposer de loy puis  
que nous ne recognoissons point de superieur en  
ce monde icy, ny en l'autre que par force, & si ie  
pouuois ie rendrois l'enfer aussi desolé que le  
Purgatoire, & s'est avec raison que deffunct Mr  
Chamier qui fut canonisé & canonné deuant  
Montauban, me disoit vne fois en desieunant sur  
les quatre heures du matin le iour du Vendredy  
Saint, pour faire honte aux Papistes, que si S.  
Paul estoit au monde, on l'enuoyroit encore pr



4

ener au tiers Ciel, & seroit depose du saint  
ministere pour cent & vn an, estant atteint &  
conuaincu de soustenir le party de la Virginité,  
sa raison estoit que la temperance qui comprend  
us soy la continence, est vne vertu Cardinale,  
que nous autres Ministres qui rejectons la di-  
nité des Cardinaux n'en auons point affaire. Je-  
s-Christ a-il pas blasme les Vierges dans l'E-  
angile de S. Mathieu chapitre 25. & estant au  
monde il a assiste aux mariages? mais on ne mon-  
tera point dans le nouueau Testament qu'il aye  
honore de sa presencela receptiō d'un Capucin.  
I'ay appris du Ministre de Fontenay qui fut  
depuis vendeur de Lanternes, qu'il y auoit vn  
texte expres & formel au commencement de la  
Bible, par lequel il est permis aux Ministres d'ay-  
mer les filles: l'Escripture dit que les fils de Dieu  
ymerent les filles des hommes des le commen-  
cement du monde: Or les Ministres sont les vrais  
fils de Dieu.

Donc des le commencement du monde, les  
Ministres ont aymé les filles, cela prouue qu'il y  
a long temps que les Ministres sont contre l'opi-  
on des Papistes, qui disent que nous sommes  
nouueaux venus.


I'eus vne fois vn different contre vn Sauetier  
mes voisins, qui disoit que si toutes les arche-  
ues de France tenoient aussi long temps en bā-  
que les Ministres, il en bailleroit dix escus du  
dier, & que si le Roy auoit affaire de gens de



guerre contre le Roy d'Espagne, il n'auoit qu'  
faire prouision de mousquets, & que les Mini-  
stres fourniroient bien de fourchettes, mais ce  
cocquin fut bien chastié, car le Consistoire as-  
semblé sur ce subject luy ordonna cinquante el-  
cus des deniers de la cause pour le faire taire, i-  
l'auois bien asseuré que nous en aurions raison.  
Cela me faict souuenir d'une conception qu'  
m'arrua vn iour lisant Paul, ou il diét, qu'il faut  
que les femmes se voilent en l'Eglise de peur de  
Anges, & ie concludois que c'estoit de peur de  
Ministres qui sont de vrais Anges par nature &  
par grace, & en effect ie donneroie quarante cin-  
& bisque au iugement d'un homme, & faudroit  
qu'il fust mal emmeublé du cerueau s'il n'estoit  
esmeu à la veüe d'une belle femme, pour laquelle  
le Iacob a seruy sept ans: c'estoit vn patriarche  
de l'ancienne Loy: & nous de la nouuelle, c'est  
pourquoy S. Pierre avec raison pretendoit vne  
grande recompense, avec despens dommages &  
interests, lors qu'il reprochoit à Iesus Christ qu'il  
auoit quitté sa femme pour le suiure, mais il auoit  
mal faict, & erroit en cela, parce qu'il estoit Pa-  
pe: car l'homme & la femme ne se peuvent se-  
parer, & quand la femme que i'espouseray seroit  
vn Diable, elle deuiendra Ministre, puis que  
l'homme & la femme ne sont qu'un, ô la belle  
conuerfion d'un diable à vn Ministre, pour moy  
ie suis d'aduis que nous nous efforcions tous  
faire des enfans pour faire despit au Roy, affi-



que les ayans dès leur enfance instruits à porter  
 le cœur marqué de l'image de la reformation,  
 nous ayons toujours vn seminaire de la rebelliõ  
 parmi nous: Et peut estre qu'il naistra quelque  
 Judas Machabée pour le maintien de la Religio.  
 Trouuez vn Machabée si vous pouuez, car ie  
 seruiray bien de Judas, que si tous nos freres e-  
 stoient aussi forts que moy, nous aurions bien tost  
 raison de nos ennemis, car ie porterois bien qua-  
 tre diable à mon col: ie vous donne deux iours  
 pour satis-faire à ce que dessus, ainsi que Dieu  
 vous commande par ma bouche: Et ce faisant ie  
 prie l'Eternel qu'il leue la trape du Ciel, & nous  
 regarde en pitié, & parce qu'il y a loing de luy à  
 nous, qu'il nous face tenir par lettre d'eschange  
 des benedictions qui soient à propos, qu'il nous  
 donne des forces grandes comme des geants: &  
 nous verse des faueurs faiètes à chaux & à sable,  
 & qui durent plus long temps qu'une paire de  
 souliers neufs. O Dieu enuoye nous de vieux  
 Anges qui sçachent bien leur mestier, afin qu'ils  
 ne fassent point vn pas de clerc à la conduicte de  
 ton trouppéau, qui sans cesse brouterá l'herbe  
 de ta parolle en ce monde icy, & en l'autre at-  
 trappera finement la vie eternele. Ainsi soit-il.



IN





